



Lesoni 11,  
June 13, 2026

# VEIKA DREDRE



“A sa sega ni koya walega, me da sa dau reki talega ena vuku ni veika rarawa: ni da da kila sa tubu na dauvosota mai na dauvosota na veika rarawa, ia na dauveivakatovolei mai na dauvosota; ia nai nuinui mai na dauveivakatovolei. Ia sa sega na madua ena vuku ni nuinui; ni sa sovaraki ki na yaloda na loloma ni Kalou ni sa soli vei keda na Yalo Tabu”  
(Roma 5:3-5)



Eda bula ena dua na vuravura e vakasinaiti ena i valavala ca kei na veika rarawa. Eda sotava na veikadredre ena vuqa na gauna ka da vakataroga kina na loloma ni Kalou.

Eda walia vakacava na veika dredre?

Eda na vulica na nodra sotava na veika dredre e so ka ra talanoataka na I Vola Tabu, me rawa ni vukei keda ena veigauna eda lako curuma na veika dredre.

Na draki ca ni bula



Tauvimate




Veivakarusai



Yalolilai



Raici Jisu



# NA DRAKI CA NI BULA

**"A Sa tubu e dua na cagi levu sara, a sa seva na waqa na biuau, sa qai luvu kina (Marika 4:37)**



**Na takosovi ni Waitui o Kalili ena lomalomoma ni bogi e sega ni ka vou vei Pita, ena loma sara mada ga ni cagilevu, vei rau talega o Adriu, Jemesa, kei Joni ni ratou kenadau ena dauqoli.**

**Ia na cagi levu oqo sa vakarerei ratou. E seva na waqa na biuau, ka luvuca me ratou taqayataka na nodratou bula. Eratou sa qai taroga... Sa ivei ko Jisu? E moce tiko beka? Na cava esega tiko kina ni vukei keitou? E sega beka ni kauwaitaka na veika sa na yacovi keitou? (Mark 4:35-38).**

**Eda lako curuma na draki a ena noda bula. Eda kere veivuke ki vei Jisu, ia e vaka e mocce tu. Eda sega ni vakila ni tiko kei keda. Ia e sega ni yali ko Koya.**


**Waraka na gauna e vosa kina ki na noda draki ca: "Mo cegu, mo maravu mai" (Marika 4:39). E kauwaitaki keda (1 Pita 5:7). E vakamaravutaka na noda draki ca Kakua ni guileca mo dau vakavinavinakataki koya. (Marika 4:40-41).**



# TAUVIMATE

**"Ni sa kaya ko koya, kevaka kau na tara ga na nona I sulu, au na vakabulai"  
" (Marika 5:28)**

**Tauvi turudrabalavu me 12 na yabaki ka sega ni kunea e dua na vuniwai me vakabulai koya mai kina sa vakamalumalumutaka na yalewa koya ka me sa sega nona I nuinui (Marika 5:25-26). Oqo e leqa dina talega edaidai, ki vei ira na vei matanitu ka sega ni soli wale kina na veiqaravi vakavuniwai.**



**Ia, oi keda kece, eda rawa ni sotava taucoko tiko na tauvimate vakaoqo ka vesuki keda ka vakaceguocataki keda, ka da sega ni kunea na vakacegu.**

**Na yalewa oqo e kunea vei Jisu na I wali ni nona leqa, ka vakabulai koya na nona vakabauta (Marika 5:27-29).**

**Me da vakabauta ni o Jisu e rawa ni vakayagataka e so na vuniwai me vakabulai keda, e veivakurabuitaki.**

**O Jisu e sureti keda me da laiva na noda I colacola kei na nuqawaqawa kece ki Vua (Maciu 11:28-30).**



# VEIVAKARUSAI

“Ia ni sa rusa sara na kuliqu ogo, Ka’u na kunea ga na Kalou ena yagoqu” (Jope 19:26)

Na I valu, I valavala kaukauwa, kei na natural disasters e veisautaka vakadua na bula nei Jope (Jope 1:13-19). Eda sega taucoko ni levea rawa na veileqa lelevu, se natural se vakavuna na vunica ka tiko ena vuravura ogo.

Eda na sotava vakacava? E sotava vakacava ko Jope?

E sega ni beitaka na Kalou se cati Koya

E kukube vua ena nona kaukauwa kece

E dei ni vakararavi Vua ena gauna butobuto duadua

E vakanamata ki na dua na gauna vinaka mai muri (Job 19:25-27)



Kevaka eda sega ni yalolailai, eda na raica ena noda bolebole levu duadua beka, ni Kalou e tiko kei keda. E lomani keda ka solia na I gu me da vakukauwataki cake tale mai na malumalu - mu, yaloqqa mai na yalolailai, kei na I nuinui mai na rusa (Joeli 3:10; Roma 5:3-5).

Keo lako curuma tiko na gauna dredre, vakana -numa na kauwai kei na loloma ni Kalou ena kena tudei ka sega ni yavalati rawa mai na nomu bula.



# VEIVAKADRUKAI ESO



**“Ia keimami a nuitaka ni sai koya oqo ena vakabulai Isireli:...” (Luke 24:21a)**



**Na nodra rai: O Jisu na Mesaia ena vakabulai Isireli. Na ka dina: E sa mate (Lk 24:18-21).**

**Na nodra yalolailai e sa ka levu ka sega kina ni rawa ni ra ciqoma na I vakadinadina matata ni nona tucake tale mai na mate o Jisu (Lk 24:22-24).**

**O Jisu e vosota me vukei ira me vakalesuya mai na nodra nuinui. Sa qai “dolavi na matadra” (Luke 24:31), ka cici yani me vakayaloqaqataki ira era se yalolailai tu (Luke 24:32–35; 2Koronica 1:4). Na cava eda vulica rawa mai na veika era lako curuma oqo?**



- Kakua ni vakatara na vakatitiqa me vakawakana e lomamu**
- Jisu e lako tiko e yasada ena dela dela saraga ni noda yalolailai**
- Ena kauta laivi na noda nuiqawaqawa kevaka eda vakatara vua me cakava**
- Jisu e kila vinaka cake mai vei keda na veika dina baleti keda**

# RAICI JISU

**"I consider that our present sufferings are not worth comparing with the glory that will be revealed in us." (Romans 8:18)**

**Ena gauna dredre levu kivei Ellen G White, e soli vua na raivotu ka raici Jisu kina.**

**E sa kila rawa ni kila o Jisu o Jisu na veika kece e lako curuma tiko. E tara na uluna ko Jisu ka kaya vua, Kakua ni rere."**

**E raica na veika lagilagi, ka rairai vua ni sa rawata na veimaroroi kei na vakacegu nei lomalagi.**

**Na raivotu oqo e solia vua na l nuinui kei na vakabauta, ka vakadeitaka na nona rawa ni vakararavi ki vua na Kalou.**



“Ni da sa kila sa veivuke na ka kecega me ra vinaka kina era sa lomana na Kalou, ko ira era sa kacivi me vaka na ka sa nakiti oti.” (Roma 8:28)

“Dou kua sara ni lomaocaoca; ia ena ka kecega me vakatakilai vua na Kalou na nomudou kerekere ena masu kei na daucikecike kei na vakavinavina. Ia na vakacegu ni Kalou sa uasivia na ka kecega e kilai rawa, ena vakataudeitaka na yalomudou kei na lomamudou ena vukui Karisito Jisu.” (Filipai 4:6-7)

“Oi kemudou na wekaqu, dou nanuma me ka ni reki sara ni dou sa lutu ki na ka e vuqa sa dauveivakatovolei; ni dou sa kila sa vakatubura na dauvosota na vakatovolei ni nomudou vakabauta. Ia me tini vinaka na cakacaka ni dauvosota, mo dou vinaka taucoko sara kina, me kakua na ka e yali. [...] Sa kalougata na tamata sa vosota ni sa vakatovolei, io, ni sa vakatovolei oti, ena rawata nai sala ni bula o koya sa yalataka na Turaga ki vei ira sa lomani koya.” (Jemesa 4 1:2-4, 12)



“A s akaya vei au ko koya, Sa rauti iko na noqu loloma: ni sa vakalevui na noqu kaukauwa, ni sa malumalumu e dua. O koya ogo sa yaloqu sara kina meu rekitaka na noqu malumalumu me tiko kina vei au na kaukauwa I Karisito.” (2 Koronica 12:9)

**“Ena veika eda sotava na tamata kecega e dau yaco mai kina na gauna ni veilecayaki levu kei na yalolailai taucoko —na veisiga sa kena ivotavota na rarawa, ka dredre me vakabauti ni Kalou e se dauloloma tikoga vei ira na Luvena era sucu e vuravura; veivakabobulataki ni tawavakabauta. E rawa beka vei keda ena gauna vakaoqo me da kila ena vakasama vakayalo na ibalebale ni veivakarautaki ni Kalou? Ena matada vakayalo, e dodonu me da raici ira na agilosu ni ra saga vakaukauwa tiko me ra vakabulai keda mai na noda tawa vakabauta kei na noda vakarusai keda tiko ga vakataki keda, ka ra sasagataka me ra teivaka na yavada ena dua na yavu e dei cake mai na veiulunivanua ni veivakadeitaki, ka na vakatubura vei keda na bula vou kei na vakabauta e titobu.”**